

# فيديو # ٢٢٤ من مقاطع حظر التجول تدبر سورة النور # ٥١

## الآيات ٢٦-٤٦

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ربعمية اثنين وعشرين من مقاطع سورة النور من مقاطع حظر التجول انا اسف. والحلقة الخامسة عشر من حلقات تدبر سورة النور - [00:00:07](#)

دي الحلقة الاخيرة ارجو من حضراتكم تجميعوا المصاحف ناس كثير ممكن تلاقيهم ناجحين في علاقتهم الاجتماعية لكن فاشلين في علاقاتهم الاسرية وناس تانيين العكس ناجحين جدا في علاقاتهم الاسرية بزوجاتهم واولادهم. لكنهم فاشلين جدا في علاقاتهم الاجتماعية. ما لهمش اصدقاء. ما لهمش - [00:00:28](#)

دور في المجتمع مش بيتطوعوا في اعمال خيرية مسلا ولا لهم مشاركة سياسية ولا حاجة كأنهم عايشين في جزيرة هم واسرهم منعزلين عن الناس. سورة النور زي ما شفنا سورة تربية - [00:00:52](#)

بتربي الانسان المسلم بحيس يكون متكامل انسان عقيدته سليمة. انسان عبادته سليمة. انسان تعاملاته في الدوائر القريبة داخل الاسرة بتاعته سليمة. انسان تعاملاته مع الدوائر الابدع شوية في العائلة وفي الجيران تعاملاته في المجتمع ايضا - [00:01:06](#)

استوقفني في الاية واحد وستين اللي تدبرناها امبارح مسألة القاء السلام الاية موضوعها الرئيسي هو الاكل في بيوت معينة مسموح لنا ناكل في بيوت معينة. اقرا معي كده في الاية آآ واحد وستين هابدأ كده من نصها اعوذ بالله السميع العليم من الشيطان الرجيم ان تأكلوا من بيوتكم او بيوت ابائكم - [00:01:29](#)

او بيوت امهاتكم او بيوت اخوانكم او بيوت اخواتكم او بيوت اعمامكم او بيوت عماتكم او بيوت اخوالكم او بيوت خالاتكم او ما ملكتم مفاتحه او صديقكم ليس عليكم جناح. من اول هنا بقى بدأ يلفت نظري - [00:01:51](#)

ليس عليكم جناح ان تأكلوا جميعا او اشتادا فاذا دخلتم بيوتا فسلموا على انفسكم تحية من عند الله مباركة طيبة. اول حاجة ربنا قدم الاجتماع على الطعام على الاكل فرادى. ان تأكلوا جميعا - [00:02:09](#)

او اجدادك ليس عليكم جناح ان تأكلوا جميعا او فالافضل الاجتماع على الطعام ودي كانت عادة عربية جيدة قبل الاسلام والاسلام شجعها حتى ان بعض القبائل بن كنانة خاصة كانوا يروا انه من الخزي - [00:02:28](#)

من من العار ان الرجل يأكل وحده عار عليه يعني ده دليل على البخل كان ممكن الرجل يبقى جعان جدا وما ياكلش لغاية ما يلاقي شخص يشاركه في الطعام - [00:02:48](#)

فالان نزلت تقول ان ده كويس. بس ما تتشدوش في المسألة كده وما تدخلوش مسألة التشاؤم في الموضوع ده لان كانوا يتشائموا. يقول لك لو اكل واحد يبقى فيه شؤم هيجصل فيه حاجة غلط. يعني مش لهذه الدرجة. ففي سنن ابن - [00:03:04](#)

سالم بن عبدالله بن عمر ده اللي هو حفيد سيدنا عمر ابن الخطاب ده ده جد عمر ابن عبدالعزيز على فكرة اللي هو الخليفة الاموي سالم بن عبدالله بن عمر قال - [00:03:19](#)

سمعت ابي اللي هو عبدالله يقول سمعت عمر بن الخطاب يقول قال رسول الله صلى الله عليه وسلم قولوا جميعا ولا تفرقوا فان البركة مع الجماعة الاجتماع على الطعام يؤلف القلوب. العلماء علمونا هذا الكلام ان الاجتماع على الطعام يؤلف القلوب - [00:03:34](#)

يقول لك ده احنا واكلين عيش وملح مع بعض استوقفني ايضا في الاية التعبير فسلموا على انفسكم تحية من عند الله مباركة طيبة

دخلت البيت لقيت اهلك القي السلام دخلت البيت ما لقتش حد - [00:04:00](#)

البيت فاضي يلقي السلام برضو على نفسك. في موطاً الامام مالك. اذا دخل البيت غير المسكون يقال السلام علينا وعلى عباد الله الصالحين واحد داخل البيت وعارف ان ما فيش حد في الشقة يقول ايه السلام علينا وعلى عباد الله الصالحين - [00:04:20](#)

المهم الصورة بتحسّن تعاملاتك مع نفسك ومع اهلك ومع اسرتك ومع عائلتك الاكبر ومع المجتمع كله اقرا بقى الاية اتنين وستين وثلاثة وستين النهاردة اتنين وستين وثلاثة وستين. من هنا هنبداً التدبر النهاردة - [00:04:41](#)

انما المؤمنون الذين امنوا بالله ورسوله واذا كانوا معه على امر جامع لم يذهبوا حتى يستأذنوه ان الذين يستأذنونك اولئك الذين يؤمنون بالله ورسوله فاذا استأذنوك لبعض شأنهم فاذن لمن شئت منهم. واستغفر لهم الله ان الله غفور رحيم - [00:04:56](#)

لا تجعلوا دعاء الرسول بينكم كدعاء بعضكم بعضا قد يعلم الله الذين يتسللون منكم لواذا فليحذر الذين يخالفون عن امره ان يصيبهم فتنة او يصيبهم عذاب اليم. طيب لما كان النبي صلى الله عليه وسلم يجمع المسلمين في اجتماع - [00:05:23](#)

لمناقشة امر يخص المجتمع. النبي كان كثير جدا يجمع الناس ويقول لهم ويعرض عليهم الوضع. والله يا جماعة انا وصلني اخبار من مكة ان في جيش اربعتلاف واحد اتحركم رجعا رأيكم ايه؟ نطلع نقاتلهم برة المدينة ولا نقاتلهم في شوارع المدينة كان يناقش مع الناس وكان يستشيرهم ربنا امره - [00:05:48](#)

آ وشاورهم في الامر فالنبي عليه الصلاة والسلام مأمور باستشارة الناس انه يشاور الصحابة كان يجمع كثيرا ما يجمع الناس. عايزين يا جماعة نشترى بئر روما. هاتوا لنا فلوس نشترىها من الراجل صاحبها - [00:06:09](#)

النبي كان بيستشيرهم قبل ما يتخذ قرار كان المنافقين بيتسللوا من الاجتماعات دي. مش عايزين يحضروها عشان في اخر الاجتماع ممكن يتم توزيع المهام فلان يعمل كذا وفلان يعمل كذا هو بيقولوا مش عايزين يعملوا جهد للاسلام خالص - [00:06:25](#)

او ان في اخر الاجتماع تجمع التبرعات. فيبان ان هم مش عايزين يتبرعوا. عايزين نشترى بئر روما نشترى مش عارف نعمل ايه. عايزين نمول جيش جيش العسرة اتعمل له اتعمل له آآ جمع التبرعات - [00:06:46](#)

او احنا خارجين الى الجهاد مسلا فمحتاجين فلوس نشترى المؤن المطلوبة للجيش فالمنافقين كانوا بيتسللوا علشان يتفادوا هذه التكاليف عايزين يعيشوا في المجتمع سفلقة يستفيدوا من الخدمات بس ما يشاركوش في اي عمل تطوعي او في اي حاجة فيها جهد او مال - [00:07:04](#)

لكن في مؤمنين كان بيبقى عندهم مشاغل فعلا ومش قادرين يحضروا الاجتماعات دي ومش قادرين يشاركوا في اتخاذ القرار لان فعلا مش عندهم انشغالات فهم مفوضين النبي ومفوضين اخوانهم الصحابة وموافقين على اي قرار يتاخذ في غيابهم يلا - [00:07:24](#)

وهم مش موجودين فدخل ربنا اخبر النبي صلى الله عليه وسلم انهم مش منافقين. دول مؤمنين ولما يستأذنوا ائذن له معهم عزر واستغفر لهم الله ائذن لهم وتقول لهم ايه - [00:07:46](#)

ربنا يغفر لكم اقرا معي الاية اتنين وستين انما المؤمنون الذين امنوا بالله ورسوله واذا كانوا معه على امر جامع. طبعاً دي بتقطع الطريق على الناس يقول لك ايه ان الواحد ممكن يكون مؤمن بس مش بالنبي محمد عليه الصلاة والسلام. او مال المؤمن بمين يعني مش فاهم - [00:08:04](#)

انما المؤمنون الذين امنوا بالله ورسوله خلص الموضوع. النهاردة طالعة موضة موضة وسط ناس بيدعوا ان هم مسلمين. عايزين يقولوا يا جماعة ينفع الواحد بيبقى آ مؤمن بس ما يكونش مؤمن بالنبي. يا سلام - [00:08:23](#)

انما المؤمنون الذين امنوا بالله ورسوله واضحة واذا كانوا معه على امر جامع في اجتماع لامر مهم معه لم يذهبوا حتى يستأذنوه عينك معي في الاية. لم يذهبوا حتى يستأذنوه - [00:08:38](#)

وبعدين التفات بقى ربنا بيكلم النبي عليه الصلاة والسلام وبيقول له ان الذين يستأذنونك اولئك الذين يؤمنون بالله ورسوله فاذا استأذنوك لبعض شأنهم واستغفر لهم الله استغفر لهم والله يعني اطلب من ربنا انه يغفر لهم. طب ليه - [00:08:55](#)

ما هم خلاص استأزنوا استأزنوا وانصرفوا لما خدوا الازن ما عملوش حاجة حرام يبقي النبي يطلب المغفرة لهم ليه لانهم تركوا الاولى. يعني ايه؟ يعني كان الاولى انهم ما يستأزنوش ويقعدوا - [00:09:17](#)

ده الاولى الاولويات لكن هم قاموا لاجل امر طارئ او تركوا الاولى من اجل امر طارئ خلاص لكن تركوا الاولى. ده ياخذنا لمسألة اسمها مسألة الاولويات اولويات الانسان احنا عايشين في عالم مليان اختيارات - [00:09:35](#)

انت طول الوقت بتختار ولازم تعرف ايه اولي من ايه عشان تعرف تختار بطريقة صح لازم ناخذ قرار بدون تردد وبدون اندفاع في نفس الوقت. طب ازاى لازم تكون مرتب اولوياتك في دماغك. لازم كمسلم تكون عارف ايه اولي من ايه - [00:09:55](#)

ايه اهم من ايه؟ الدين ده مش ابيض واسود يا جماعة الدين ده الفقه فيه مش حلال وحرام لأ ده احنا عندنا آآ عندنا قائمة بالاسعار الحلال فيه فرائض وفيه جائز - [00:10:12](#)

وفي مستحب او مندوب. والفرائض منها فرائض ركنية اركان الاسلام. وفرائض مش ركنية والحرام في حرام صغير وحرام كبير. فيه صغائر وفيه كبائر وفيه مكروه وفيه مكروه كراهة تنزيه. وفيه مكروه كراهة تحريم. ده كل ده. ده كل ده عبارة عن - [00:10:32](#)

مش مش ابيض واسود دي عملية لازم نبطل نفكر بطريقة الابيض والاسود دي. ما ينفعش الطريقة الثنائية القطبية في التفكير ده غلط طب نعمل ايه؟ نفهم اولوياتنا. نفهم اولوياتنا ازاى؟ ما عنديش وقت بقى نقعد ندي المحاضرة كلها دلوقتي. حطيت لكم النهاردة على التويتتر من حوالي نص ساعة - [00:10:56](#)

اسمها تبسيط فقه الاولويات والموازانات والمقاصد. وحطيتها على الفيسبوك دلوقتي. وهحطها لكم ثاني في صندوق في اليوتيوب وهحطها لكم ان شاء الله على على في برضه على الايه على البوست بتاع الفيسبوك. بس لو سمحتم اتفرجوا عليها. والله ساعة الاربع بس. ساعة الاربع بس - [00:11:19](#)

هتبسط لكم فقه جديد ما كنتوش تعرفوه تشوفوا مدى العمق بتاع هذا الدين الاولويات بتاعة الانسان ازاى الموازنات ازاى تقدر توازن بين المهم والاهم المقاصد ايه هو علم المقاصد ساعة الاربع والله فارجوكم تتفرجوا عليها - [00:11:39](#)

كمل الاية معي ان الله غفور رحيم طب ليه ربنا قال للنبي عليه الصلاة والسلام فاذن لمن شئت منهم ده ده بقى فقه اسمه فقه الامارة القائد بيشوف اللي بيستأزن ده هل هو هو اللي بيستأزن كل مرة يبقي بيستسهل يبقي فيه حاجة غلط يبقي لازم يتعود على العمل في خدمة - [00:12:04](#)

المجتمع مش كل مرة هيقدم مصالحه الشخصية على مصالح المجتمع. فمممكن القائد في مرة يأذن له بالانصراف ومرة ثانية لأ ده نوع من التربية والتعويض له انه يعود نفسه على المشاركة - [00:12:30](#)

مممكن يكون القائد محتاج الشخص ده بالزات. هيناقش مسلا النهاردة قرار التطعيم ضد كورونا في المجتمع فمن ضمن اللي طالبين الازن بالانصراف اتنين اطباء لأ ممكن يأذن لواحد والثاني يقعد او يقول للاتنين انا محتاجكم النهاردة اقعدوا النهاردة ما فيش استئذان. فاذن لمن شئت منهم. هنا بيرجع للنبي عليه الصلاة والسلام - [00:12:49](#)

القرار انه يقرر في امر اللي بيستأذنه. ده هيمشي وده مش هيمشي في سنن ابي داوود شوفوا الاسلام مش بس احنا مش بس عمالين نناقش التوحيد لا لا بنناقش اشياء - [00:13:13](#)

لوجيستية اشياء في ادارة المجتمع ده طريقة حياة مش مجرد دين تعبدي وازكار وترانيم واغاني وانشيد وروحانيات لأ كله مع في سنن ابي داوود عن ابي سعيد الخدري رضي الله عنه وارضاه ان رسول الله صلى الله عليه وسلم قال اذا كان ثلاثة في سفر - [00:13:25](#)

فليأمر واحد منهم لو في ثلاثة خارجين وواحد فيهم يبقي الامير. يقول له اختاروا امير. الامير ده مش معناه انه هيقعد زي الملك وهم يقعدوا يخدموه وده يقص له ضوافره وده - [00:13:52](#)

اجيب له الحاجة اللي هيشربها لا لا لا ده هو اللي هيشغل عندهم وهينزمو امورهم وهيخدمهم يعني العرب تقول خادم القوم سيدهم اللي بيخدم الناس هو سيدهم واحد راح عبدالله الرازي عبدالله الرازي ده احد العلماء الكبار المعروفين بالورع الشديد اوي. من

الصوفية القدام. الصوفية الحقيقيين المعتدلين مش المخرفين - 00:14:06

راح له وقال له ممكن اصحبك في السفر؟ قال له اتفضل قال له طيب انت الامير قال له لأ أنت الامير قال له انا اسافر مع عبدالله

الرازي وابقى انا الامير ازاي؟ انت الامير لا يمكن والله لا يمكن انت الامير. واصر ان عبد الله الرازي - 00:14:34

يبقى هو الامير قال له حاضر اتفضل يا للا بنا يا للا بنا راح شاييل البؤجة بتاعته باليمين وراح شاييل بقجة الراجل بالشمال قال له ايه ده

طوبى لاشيل البؤجة بتاعتي قال له لأ - 00:14:56

اتفضل انا الامير اتفضل ما بيش شايل الشنطتين عشان هو الامير بيخدم شوية والدنيا مطرت ما فيش حاجة ينزلوا تحتها ماشيين

في الصحرا فامرہ انه يجلس في الارض وعبدالله الرازي الامير وقف وراه - 00:15:07

ومسك التوب بتاعه قدامه كدهو فوق دماغ الراجل اكنه شمسية. وفضل واقف في الشمس في المطرة كده بيتلقى المطر ويضل

بتوبه على على راس الراحل الراحل يقول جلست ابكي واقول ليتني مت ولم اقل انت الامير. يا ريتني كنت مت ولا قلت انت الامير.

هي دي الناس اللي كانت - 00:15:28

الامارة الامارة او القيادة ما هياش ميزة الانسان بيتميز بها. دي دي دي مسؤولية. مسؤولية امام الله بس دي الحاجات اللي فقدت

النهاردة لان الدين النهاردة تحول الى ايه؟ الى مجموعة شعائر جافة بنعملها وكلام بنقوله واحنا مش دريانيين معناه - 00:15:53

اقرا معي ثلاثة وستين لا تجعلوا دعاء الرسول بينكم كدعاء بعضكم بعضا. قد يعلم الله الذين يتسللون منكم لواذا فليحذر الذين

00:16:22 - يخالفون عن امره ای ان تصيبهم فتنه او يصيبهم عذاب اليم

النبي عليه الصلاة والسلام له احترام خاص في قلوب المسلمين لا تجعلوا دعاء الرسول بينكم كدعاء بعضكم بعضا. دي لها عدة معاني

وكلاها صحيحة اول حاجة دعاء النبي يعنى طريقته في مناداة النبي - 00:16:43

لا تنادوا النبي زي ما بتنادوا بعض ما ينفعش تقول له يا محمد لا ما ينفعش. هو اسمه محمد اه بس ما ينفعش تقول ايه يا محمد ولا

حتى بالكنية بتاعته. ما ينفعش تقول له يا ابا القاسم كنية النبي صلى الله عليه وسلم ابا القاسم. لان ابنه الاكبر كان اللي اسمه القاسم

00:17:03 -

دي كانت اليهود بتناديه به. كانوا يقولوا يا ابا القاسم من الصحابة ابدًا ما ينفعش ينادوه. لا بمحمد ولا ابو القاسم ينادوه يقولوا ايه يا

رسول الله يا نبى الله - 00:17:22

ایہ کمان لا تجعلوا دعاء الرسول بینکم کدعاء بعضکم بعضا. یعنی لما تکلموا النبی صلی اللہ علیہ وسلم ما تغلوش صوتکم وانتم

بتندهوا عليه ما ينفعش تنده عليه بصوت عالي. يا رسول الله لا لا لا لا ده مش احترام ده لا. انت تروح لغاية عنده وتكلمه - 00:17:39

انت هتتده عليه من الاوضة الاوضة ؟ لأ ما ينفعش يبقى ما ينفعش انك ادعو زى ما بتدعو صاحبك لا لا ده مش صاحبك سورة

00:18:06 - الحجرات ربنا بيقول ان الذين ينادونك من وراء الحجرات -

اکثرهم لا یعقلون دول مجانین مش فاهمین قیمتک لوضع الاحترام عشان کده لما حد یسیء له احنا بنغضب المجاهل بنغضب لان له

احترام ثالث حاجة ثالث معنى لا تجعلوا دعاء الرسول بينكم كدعاء بعضكم بعضا. يعنى - 00:18:25

لو النبي هو اللي دعاك دعاء الرسول يعنى هو بقى اللي بيدعوك نده عليك لازم تجيبوا انت المفروض تجيب اخوك كمان لكن لو مش

قادر تجيبه لاي يتصلی. مش هتجيب اخوك. لكن لا ده انت تقطع الصلاة وتلبی نداء النبي - 00:18:53

اتصور بقى تقطع الصلاة ويلبى نداء النبى. جمهور العلماء ان حتى فى الفريضة اقطع الصلاة لنداء النبى مش هينده لك عشان حاجة

حاجة مش مهمة يعنى على فكرة الصلاة تقطع لنداء الوالدين ايضا - 00:19:12

امك ندهت عليك. ابوك نده عليك لو انت بتصلى النافلة تقطع الصلاة فوراً لو انت بتصلى الفريضة تقطع لو كانوا بيستغيثوا يعني ايه

الحقنى يا فلان. فورا بتقوم سايب الصلاة. صل الظهر بتصلى العصر بتقوم سايب الصلاة. وامك بتقول لك الحقن. هتعمل ايه -

00:19:34

او مسلا ممكن وقع عليها حاجة سخنة ممكن وقعت فى الارض فى الحمام مش عارفة تقوم. لازم بسرعة تهب. تقطع صلاتك تقطع

الفريضة وتروح تلحق ابوك وامك لكن بقى يعني انت عارف بقى ان يعني والدك ايه بينده لك من اخر الدنيا عشان تيجي تدي له الريموت كنترول اللي موجود على التراييزة قدامه. لأ ده يعني ايه - [00:19:56](#)

تقول ايه وانت بتصلي كده سبحان الله فيعرف انك بتصلي خلاص لكن في حالة الاستغاثه تقطع الصلاة في حالة الريموت كنترول يعني تسبح بصوت عالي يعرف انك بتصلي لو انت امرأة يعني انا باصلي خلص الموضوع - [00:20:20](#)

لا تجعلوا دعاء الرسول بينكم كدعاء بعضكم بعضا ايضا من معانيها صوتك في حضوره ما يعلاش فوق صوته. تعلم الادب والاحترام ده الراجل اللي ربنا اختاره ليختم به النبوة انت مش عارف تتعامل مع مين لابد من احترامه - [00:20:39](#)

لابد من طاعته طاعته من طاعة ربنا صوتك ما يعلاش وانت في وجوده. ادب ادب في ال عمران ربنا بيقول قل ان قل قل يا محمد قل لهم ان كنتم تحبون الله - [00:21:02](#)

اتبعوني يحببكم الله بتحبوا ربنا؟ فعلا؟ اتبعوني ساعتها ربنا هيحبكم يحببكم الله ويغفر لكم ذنوبكم طيب لا تجعلوا دعاء الرسول بينكم كدعاء بعضكم بعضا. من معانيها ايضا اوعوا تفتكروا ان دعاؤه لما يدعو الله - [00:21:19](#)

زي دعائكم دعاؤه مستجاب على طول اوعوا حد منكم يغضبه او يصدر منه افعال او اقوال المنافقين فيدعو عليه. اياكم اوعوا تفتكروا ان دعاؤه زي دعاء اي حد منكم لا اله الا الله - [00:21:47](#)

الاية فيها تكريم وتشريف كبير للنبي صلى الله عليه وسلم كمل معي الاية ثلاثة وستين قد يعلم الله الذين يتسللون منكم لواذا. ربنا يعلم المنافقين اللي بيتسللوا خلال الاجتماعات دون استئذان. اللي بيخرج - [00:22:08](#)

من المسجد بالراحة كده من ورا فاكرا ما حدش شايفه؟ مين ده اللي مش شايفك فليحذر الذين يخالفون عن امره ان تصيبهم فتنة او يصيبهم عذاب اليم مخالفة امر النبي تجلب الفتنة تجلب المصائب في المجتمع. انهزمنا هزيمة ثقيلة جدا في احد عشان الرماة - [00:22:26](#)

اللي معهم الايه؟ النبال ومعهم السهام خالفوا امر النبي صلى الله عليه وسلم ونزلوا من على الجبل قبل صدور الامر. بس المخالفة دي للسنة كانت النتيجة عشرة في المية من الجن - [00:22:53](#)

قتل سبعين من سبعمية دي دي دي اسف دي هزيمة ثقيلة مخالفة السنة مخالفة اوامر النبي تسبب الوقوع العذاب على الانسان في الدنيا والاخرة. ليه ربنا امرنا بطاعة النبي يا جماعة - [00:23:09](#)

عن ابي هريرة رضي الله عنه قال قال رسول الله صلى الله عليه وسلم انما مثلي ومثل الناس كمثل رجل استوقد نارا فلما اضاءت ما حوله جعل الفراش وهذه الدواب التي تقع في النار يقعن فيها - [00:23:34](#)

وجعل يحجزهن ويغلبهن فيقتحن فيها فانا اخذ بحجزكم عن النار وانتم تقحمون فيها يعني النبي واقف بيحجز واحنا عمالين نجري نرمي نفسنا في النار وهو عمال يحجزنا ويشدنا عشان ما نرميش نفسنا في النار. واحنا زي المجانين بنلقي بنفسنا في النار. ازاي؟ عشان احنا مش عارفين ان دي - [00:24:00](#)

دي شهوات بنقبل عليها هو بيحجز عشان كده لازم نطيعه فهمت او ما فهمتش الحكمة لازم تطيعه اربعة وستين الا ان لله ما في السماوات والارض قد يعلم ما انتم عليه ويوم يرجعون اليه فينبأهم بما عملوا والله بكل شيء عليم - [00:24:27](#)

ربنا هو مالك هذا الكون السماوات والارض يعني الكون ويعلم احوالنا جيدا ويعلم ما يصلحنا وما يفسدنا ربنا هو اللي عملنا هو اللي خلقنا. فهو اعلم بما يصلحنا وما يفسدنا - [00:24:55](#)

انت عندك عربية مرسيدس زهر فيها صوت ومحتاجة تتصلح احسن شركة اتصلحها ايه؟ شركة مرسيدس هم اللي عملوها هم اسهل ناس هيصلحوها. فربنا هو مالك هذا الكون كله اعلم بما يصلح الكون وما يفسده وما يصلح الانسان وما يفسده - [00:25:10](#)

وبما ينير قلوب الناس وما يبث الظلم فيها ربنا انزل هذه التشريعات وهذه الاداب وهتسأل عنها يوم ما ترجعوا له ربنا انزل هذه التشريعات وهذه الاداب لتكون نور بينور لكم طريقكم - [00:25:29](#)

ويخبركم ربنا باللي انتم عملتوه في الدنيا ويسألکم. فاكرين فاكرين ارجع لي بقى لاول اية في سورة النور. قلب قلب قلب بسرعة



هات لي الاية رقم واحد سورة انزلناها وفرضناها اتفرضت فرض اللي فيها كلامها مفروض علينا فرائض - [00:25:49](#)  
وانزلنا فيها آيات بينات ها لعلكم تذكرون. عشان تبقوا تفتكروا. نفتكر امتى بقى افتكر في اليوم ده هات لي اخر اية اخر اية هو ده  
اليوم اللي هتفتكروا فيه بقى - [00:26:10](#)

الا ان لله ما في السماوات والارض قد يعلم ما انتم عليه. اسمع ويوم يرجعون اليه. يوم ما نرجع لربنا عشان يحاسبنا. فينبئه هم بما  
عملوا هو ده اليوم اللي لعلكم تذكرون فيه تشريعات ربنا اللي امركم بها - [00:26:28](#)

هتنبأ بما عملت بهذه التشريعات والله بكل شيء عليهم بحمد الله تدبر سورة النور واتممنا تدبر اربعناشر جزء النهاردة وغدا باذن الله  
نبدأ سورة صاد اللي يحب فيكم يتوسع في قراءة كتاب جيد عن سورة النور يقرأ هذا الكتاب - [00:26:44](#)

التربية الاسلامية في سورة النور للدكتور علي عبدالحليم محمود. كل حاجة موجودة في الدقيقة في النهاردة اكتب على جوجل بي  
دي اف تنزيل كتاب كذا بينزل لك على طول لكن ده من الكتب لو موجودة اهو فيها ما عندك مكتبة اسلامية بتبيع الكتاب ده لازم

تقتنيه لازم يبقى في بيتك. كتاب حلو جدا تتوسع في - [00:27:11](#)

قراءة كتابه هذا الكتاب. وان شاء الله ربنا يوفقكم ونتوقف هنا الليلة. اللهم انا نسألك حبك وحب من يحبك. وحب كل عمل يقربنا الى  
حبك. اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا - [00:27:34](#)

فيما تحب اللهم اجعل حبك احب الينا من اهلينا واموالنا ومن الماء البارد على الظلاء اللهم حبيبنا اليك والى ملائكتك وانبيائك ورسلك  
وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين - [00:27:54](#)

اللهم احبي قلوبنا بحبك واجعلنا لك كما تحب اللهم اجعلنا نحبك بكل قلوبنا. ونرضيك بكل اجسادنا. اللهم اجعل حبا كله لك وسعينا  
كله في مرضاك اللهم اجعل القرآن الكريم ربيع قلوبنا - [00:28:16](#)

ونور صدورنا وجلاء احزاننا وذهاب همومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناته وحسناتكم  
جميعا اللهم بحق كل حرف في كتابك تلوناه او تدبرناه - [00:28:36](#)

اكفنا واهلينا شر كل من يكيد لنا ولهم واحفظنا واياهم من شرورهم. ونجعلك اللهم في نحورهم انت الوكيل ولا حول ولا قوة الا بك  
اللهم بحق كل حرف في كتابك تلوناه او تدبرناه - [00:28:53](#)

ايد بنصرك المرابطين في الارض المباركة فلسطين وانصرهم وانصر من خذلهم. وانصرهم وانصر من نصرهم. واخذل من خذلهم  
وطهر المسجد الاقصى من الدنس فانهم لا يعجزونك اللهم من قضى منا بالبوء المنتشر فاكتبها له شهادة. ومن كان منا او من احبابنا

او من اخواننا او من اخواتنا او من مشايخنا - [00:29:11](#)

خناق من علمائنا مريضا به او حاملا له فالبسه ثوب الصحة والعافية عاجلا غير اجل ومن لم يصب به فقه شره. وابعده عنه ولا تسلطه  
الا على اعدائك واعداً دينك واعداً اوليائك - [00:29:36](#)

اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على  
نصرة شريعتك. فوثق اللهم رابطتها وعادم ودها واهدا سبلها واملاها بنورك الذي لا يحبو واشرح صدورها بفيض الايمان بك وجنيك

- [00:29:53](#)

التوكل عليك واحيها يا ربنا بمعرفتك وقامتها على الشهادة في سبيلك انك نعم المولى ونعم النصير. والسلام عليكم ورحمة الله  
وبركاته. ونراكم غدا باذن الله في نفس الموعد ان كنا من اهل الدنيا - [00:30:20](#)